



partii naleraq

Nuuk 10. okt. 2019

UPA 2019/43,103

Jens Napätök, Partii Naleraq

Pisortat ataatsimoortumik allaffissornerisa aaqqissugaanerannut atatillugu naliliinissamut ataatsimiititaliarsuarmik pilersitsisoqarnissaanut Naalakkersuisut peqquneqarnissaannut Inatsisartut aalajangiiffigisassaattut siunnersuut. Maanna suliassaasut aallaavigalugit allaffissornerup annertussusaa ataatsimiititaliarsuup nalilersussavaa, suleriaatsit sunniuteqarluarnerusut pilersinnissaannut immikkoortortaqaqafiillu suliassaqaqafiillu (sektorit) akimorlugit suleqatigiinnerup pitsaangorsaaviginissaanut periarfissat misissussallugit, kiisalu allatut aaqqissuussinissamut periarfissanik siunnersuuteqarluni. Siunnersuutini tamani inatsisit ingerlatsinermut tunngasut qasukkartinneqannginnissaat aallaaviussaaq. Ataatsimiititaliarsuaq inunnit sektorinit assigiinngitsuneersunit inuttaqassaaq, tassa pisortat sektoriineersut aamma namminersortut sektoriineersut ilaasortat misilittagaqartut amerlaqatigiissallutik. Ataatsimiititaliarsuaq assigiinngissitaartuneersunit ilaliussanik sulisitaqassaaq, sulininilu ukiut marluk iluanni naammassissallugu. Tamatuma kingorna ataatsimiititaliarsuup innersuussutai Inatsisartuni politikikkut suliarineqassapput.

Inatsisartunut ilaasortaq Peter Olsen, Inuit Ataqtigiit

Immikkoortuni Namminersorlutik Oqartussat kommunillu akuuffigisaanni marloqiusamik allaffiossornerup pinngitsoortinneqarnissaanut, ataatsimut suleriaatsit pisariillisarnissaannut isumalluutillu avitseqatigiissutigineqarnissaannut periarfissat qulaajaaffigalugit Naalakkersuisut nassuiaammik UKA2021-mut saqqummiussinissamik peqquneqarnissaannik Inatsisartut aalajangiiffigisassaattut siunnersuut.

Inatsisartunut ilaasortaq Tillie Martinussen, Suleqatigiissitsisut

Inatsisartunut ilaasortaq Peter Olsen, Inuit ataqtigiit siunnersuutaa imm 43 taamatullu Inatsisartunut ilaasortaq Tillie Martinussen, Suleqatigiissitsisut siunnersuutaa imm 103 ataatsimut siuliarineqartussanngorlugit siulittaasoqarfiup aaliangersimasaat pillugit Partii Naleqqamiit imatut oqaaseqaateqarfigisuagut.

Inuiaqatigiinni allaffiossornerujussuup arlaatigut eqqartuinarnagu oqaasiinnaatinnagu qanoq iliuuseqarfigisariaqarneranik imaqtunik sakkussarsiorfissanik Naalakkersuisut peqquneqarnissaanik siunnersuuteqarpusi.

Peter Olsen, Inuit Ataqtigiit taamatullu Tillie Martinussen, Suleqatigiissitsisut, ukiorpassuannortuni politikikkut eqqartorneqartuortoq allaffiossornerujussuaq pillugu siunnersuuteqarnissinnut qujanaq.



partii naleraq

Nuuk 10. okt. 2019

UPA 2019/43,103

Jens Napätök, Partii Naleraq

Immikkoortoq 43 tassalu Peter Olsen, Inuit Ataqtigiinniit pisortat ataatsimoortumik allaffissornerisa aaqqissugaanerannut atatillugu naliliinissamut ataatsimiititaliarsuamik pilersititsisoqarnissaanut tunngasumik siunnersuuteqarputit.

Ilaatigut allaffissornerup manna suliassaasut aallaavigalugit ataatsimiititaliarsuup sektorit akimorlugit sinaakkutalersorsimanagerat pitarlugit taamatullu inuttalersugaalluni allaffissornerup annertussusaa nalilersussagaat siunnersuuteqarninni tunaartaraat taamatullu sektorit akimorlugit suleqatigiinnerup pitsanngorsaaviginissaanut periarfissat ataatsimiititaliarsuup misissuiffigissagaat, tamannalu allatut aaqqissuussinissamut periarfissanik siunnersuuteqarfissamik atortussanngorlugu inatsisit ingerlatsinermut tunngasut qasukkaaviginngikkaluarlugit.

Siunnersuumiittaaq inuttalersuinermit pisortat sektoriineersut aammalu namminersortut sektoriineersut misilittagaqarluartunik amerlaqatigiisillugit ilaasortalersornissaat siunnersuutigisanni ilaapput.

Ataatsimiititaliarsuaq assigiinngissitaartuneersunit ilaliussanik sulisitaqarnissaa ukiut marluk iluanni suliaqareerpat ataatsimiititaliarsuup innersuussutai Inatsisartuni politikikkikut taamaasillutik suliarineqassasut.

Tamatullu immikkoortoq 103-mi Tillie Martinussen, Suleqatigiissitsisut allaffissorfiusuni marluusuni tassalu Namminersorlutik Oqartussat kommunillu akuuffigisaanni marloqiusamik allaffiossornerup pinngitsoortinneqarnissaa pillugu nassuiaammik suliaqartoqarluni saqqummiussisoqarnissaa ujartorneqarpoq.

Nassuiaammi sakkussatut siunertarineqarluni takorloorneqarpoq suleriaatsit pisariillisarnissaannut taamatullu isumalluutit avitseqatigiissutigineqarnisaannut periarfissat suusinnaanersut qulaajaaffigalugit Naalakkersuisut nassuiaammik UKA2021-mut saqqummiussissasut.

Partii Naleqqamit nalilersuilluareerluta oqaloqatigiissutigilluareerneranilu siunnersuutit saqqummiunneqartut Partii Naleqqami politikkitsinnut tulluarpallanngitsut siunnersuut oqaatigeriissavarput.

Partii Naleqqami isumaqarpugut aningaasartuutikilissaaniarsarinitsinni suli annertunerusumik aningaasartuuteqaqqilersarneq taamatut nukinnik atuititseqqinnissaq uagut pissusissamisoortutut isiginngilarput.

Ukiorpasuannngortuni allaffissornerup qanoq annikillarsarneqassanersoq oqaluuseralugu ingerlannikuuvugut, taamaammat maannakkut piffissanngorsorinarpoq qanoq iliuuseqarnissamik, taamaammat misissuisoqaqqinnissaa uagut Partii Naleqqamiit kissaatiginngilarput akerlianik qanoq iliuuseqartoqarnissaa kissaatigaarput.



partii naleraq

Nuuk 10. okt. 2019

UPA 2019/43,103

Jens Napätök, Partii Naleraq

Misissuinerpassuit naammaleqaat iliuuseqartariaqalerpugut, aningaasarpassuit innuttaasunut nunap inuinit iluaqutaanerumik atorneqalertariaqarput. Piffissanngorpoq allaffissornerup iluani reformersualiornissarput.

Pisortat ingerlataat allaffissornikkut qitiusumiit ingerlanneqarsimasut maannakkut amerlasuut selskabiortitsernikkut akisussaaffiit amerlasuut selskabinut noorarneqarnikuugaluartut qitiusumiit allaffissorneq annikilliertortussaagaluartuq annikilliertornani akerlianik annertusiartorusaaginnarsimavoq,

Allaffissornerujussuarput selskabit ingerlanneqarnerat ilanngukkaanni inuiaqatigiit akilersugaat ingasappallaarujussualerpoq, nunatsinnut nunap inuinnullu naleqqunnerumik aaqqissuusseqqinniarta.

Nunatsinni allaffissornerujussuaq annertuallaarujussuaqaaq aammalu allaffissorpaallaarujussuarnerput annikillissassasoq Partiit maani amerlanerit kissatigiuarpaat immikkut misissuinerinerujussuit qulaajaanerujussuit ingerlaneneqareernikuupput ukiorpassuanngortuni taamaammat maannakkut qanoq iliuuseqarnissamut piffissanngorpoq misissueqqaanngikkaluarluta nassuiaasioqqinngikkaluarluta.

Pisortat allaffissorneranni atorfii amerliartuinnarput sulinermi siunnersortit atukkvagut taamatullu avataanersut siunnersortit atorneqartut aamma taamaaqataanik annertusiartuinnavippu, kiisa taamatut suliaqartitsinitsinnut millionerparujussuit atorneqartualerput aallaat 500 mio pallillugit atortarlutigit, tassalu halv milliard-it missaani atortalerlugit.

Maloqiusamik allaffissorneq Tillie Martinussen, Suleqatigissitsisut nassuiaasioqqaat ukiakkut 2021-imi ataatsimiinnermi nassuiaat Nalakkersuisut saqqummiutissagaat inatsisartunut Inatsisartut aliangiiffigissassattut siunnersuutigalugu.

Kommunerujussuit pilersinneqarnikuupput allaffissornikillisaanissaq siunertaralugu aammalu pisariinnerumik akikinnerumillu innuttaasunut kiffartuussinissaq anguniarlugu.

Maannamut aningaasat malinnaatinneqartarsimasut misissuataaraanni aningaasat malinnaatinneqartarsimanngerineri akisussaaffinik tunniussineri innarliisimalersimasoq malunnarpoq, taamatullu ukiuni amerlavallaani allaffissornikkut aammalu oqartussaaviit tunniunneqartussat sivisuallaamik ingerlasimaneri innarliisimasut ilagaat.

Sumiiffiit anginerit piginnaasaat sumiiffiit mikinerit iluaqutigisussaallugu aaqqissuusisoqaraluarpoq, maannakkumullu akerlianik ingerlasoqarsimanera aamma innarliisimalerpoq, tassalu sumiiffinni mikineri sulisut pikkorissut qitiusumut katersorneqarsimappu, taamatullu sumiiffinni mikineri allaffissornikkut annikillisaaneq ingerlanneqarsimalluni, kommuninilu qitiusumi ingerlatsiviusumi annertusaasoqarsimalluni.



Nuuk 10. okt. 2019

UPA 2019/43,103

Jens Napätök, Partii Naleraq

Kommuneqarfiit Kattuffeerussimapput aningaasarpassuit tassani sipaarneqarsimapput taamatullu kommunit inoqarfiit sinnerlugit aallartitaqartarnerit annaasaqataasimanerat malunnateqartut ilagilluinnalersimagaat takusutissaapput.

Akisussaaffiit qitiusumi ingerlanniarsarineqartut kommuninut tunioraanneri sukkanerusumik aningaasartaatigut qulakkeersimallugit tunioraanneri ingerlaqqittariaqarpoq qitusumi ingerlatsinermut inatsisiliornermik nakkutilliinermillu annertunerusumik ingerlataqarluni inissisimalertariaqartoq Partii Naleqqami isumaqarpugut.

Sumiiffikkaartumik oqartussaaqataaneq peqataatitsineq annertunerulernissaa nukittorsartuarnissaa suliaruartaqarpoq, maannakkut selskabinut akisussaaffiit aaliangiisarnerit ingerlatsinerillu tunioraakkaluttuinnarpagut, taakku siunertaasa annersaraat iluarnaarnerpaajunissaq, inuiaqatigiit atugaat qanorlu pitsaanerusumik atugassaqassanersut salliutinneqartarani.

Nutaamik eqqarsarluta alloriatariaqalerpugut nutaamik misissuititseqqinnata nutaamik nassuiaasioqqinnata qanoq iliuuseqarnissaq piffissanngortoq Partii Naleqqamiit isumaqarpugut. Innuttaasut ukiorpassuit utaqqiseqqinnissaat aliangernaveersarluta ingerlaqqissinnaanngilagut qanoq iliuuseqartariaqarlunnarpugut piffissanngorpoq qanoq iliuuseqarnissarput allaffissorpallaarujussuarnerput annikillisarlugu tigussaasumik iliuuseqartariaqalerpugut misissuinerpassuit qimallugit.

Taamatut oqaaseqarluta misissuisoqaqqinnissaa aammalu nassuiaasiortoqaqqinnissaa akisoorujussuusartut tapersernatigu Partii Naleqqamiit oqaaseqaateqarluta siunnersuutit tapersinngilagut.